



KOMUNIKADO PA PRENSA

Fecha

14/11/2014

Manager di Komunikashon

Jhanirha Da Costa Gomez- Anita

Adrèes elektróniko

jhanirha.anita@gobiernu.cw

SERVISIO DI OBRA PÚBLICO TA INFORMÁ:

POSIBEL KONSEKUENSIAS PA OW SU PLANTANAN DI PURFIKASHON DI AWA SHUSHI ORA SHUT SERA

Willemstad – Minister Balborda di Ministerio di Tráfiko, Transporte i Planifikashon Urbano huntu ku Servisio pa Obra Públlico ke informá komunidat debidamente relashoná ku e desishon pa sera e área di shut como un área kaminda entre otro trùknan di vaküm por deshasí di awa di kloaka.

A surgi un preokupashon i diskushon general tokante unda lo por bai deshasí di e tipo di awa aki na un manera legal i responsabel. Esaki a trese kuné ku diferente propietario di e trùknan di vaküm a aserka diferente instansha di gobièrnú i tambe Servisio pa Obra Públlico pa haña informashon tokante un sitio alternativo pa por deshasí di e awa shushi aki.

Servisio pa Obra Públlico ta disponé di dos planta di purifikashon di awa di kloaka, esta e planta na Klein Hofje i e planta na Klein Kwartier. Den pasado, e dos plantanan aki a wòrdú pone disponibel un temporada pa por a deshasí di awa di kloaka. Aktualmente e plantanan aki no ta den un estado optimal pa por duna e posibilidat aki mas. Esaki ta pa diferente motibu.

E motibu prinsipal dikon e plantanan aki no por prosesá e tipo di awa shushi aki, ku un trùk di vaküm ta trese, ta debí ku e awa aki ta bini ku diferente komponente ku por daña e pòmpnan. E komponentenan aki ta entre otro shushi gròf of zeta of otro kímiko ku ta paralisá e proceso biológico di purifikashon kompleto di e awa.

Si e pòmpnan haña un ‘storing’ pa motibu di e awa sushi aki, esaki tin diferente konsekuensia. E sistema por blòkia i e awa di riolering, ku normalmente ta bini via di tuberia di kasnan, tin ku bai laman of ta subi kaya. Esaki ta un situashon a-higiéniko pa nos salubridat públlico i tambe pa nos medio ambiente.

Dor di e medida tumá pa no tira awa shushi mas na shut, nos ta premirá ku lo bai surgi un situashon ferfelu pa loke ta trata lòsmentu di awa shushi via di e trùknan di vakum. Servisio pa Obra Públlico no por tuma e awa sushi aki di truknan di vaküm.

Manera ta konosí tin un trayekto pa renobá e planta di purifikashon di awa shushi na Klein Hofje. Den kuadro di e trayekto aki, tabatin un asina yama “kick-off meeting” dia 11 di novèmber último kaminda Minister Balborda tambe tabata di bishita. Durante e reunion aki, a palabra entre otro kon ta bai ehekutá e proyekto aki i kiko ta tur e aspektonan ku mester tene kuenta kuné.



KOMUNIKADO PA PRENSA

Fecha

14/11/2014

Manager di Komunikashon

Jhanirha Da Costa Gomez- Anita

Adrèس elektróniko

jhanirha.anita@gobiernu.cw

Den e proyekto aki, ta planiá pa inkluí un sistema apropiá, ku ta separá di e sistema normal, pa por risibí e awa di un trùk di vaküm i prosesá esaki na un manera responsabel. E proyekto aki lo ta un proyekto hopi importante pa pais Korsou.